

石城縣志

913733
1043
5

行 縣志卷之五

志

之之然者謂之文經緯天
蘇革
已取所載

不無其然也然非有關於治績民風則言雖大

而無所用非有資於證今考古則
富而無稽他

之辭妃青婉白更無取焉邑之文元宋

以
今鄉先生與宦遊諸公述事攄懷

少
之
列若蘇而膳之驅蠹魚而錄之加以

新製體甚
邑之實蹟所藉以傳者

登記號 65155
36年 12月 23日

文

周禮春官小司

卿官十

則

周禮春官小司

之志志記也

以本史史家

漢斗一遷和大事

氣上神人

細矣唐杜之祖典

門其進

重驅官也

品

志職官

公城

乾隆六年以別余
之友後此若汪
君春藻現權潮守之予
司馬漢知化州鄭牧域輪胥石城署任也而舉不書
及學校門至書院田租則余所知之李鯉鄭並乾
隆六年之署縣李某三十八年之知縣趙謙德咸敘
列事蹟而職官不具姓名主客易位本末倒植此其
未論一也夫官之有署久矣曰權曰攝曰同曰行曰
檢校官官之名或殊其所以官官無異也

代功令署事人員姓名履歷任卸日期均須咨部以專

不城縣志 卷之五
責成蓋有地方則有政事有政事則有職官無日無
政事卽無日無職官催科撫字考課從同保障繭絲
司存猶是

朝廷制無曠官志職官者顧從而曠之此其未論二也
記載有據實直書勸懲之義不與而賢否固之以見
者如史記立功臣王子侯等表職官有志何以異是
姓字歸職官之門建監屬名宦之傳體例各別黑曰
自分不待黜陟之私默假筆削之柄况 大府方纂
修通志採輯開報自邑而省業極詳備矣而縣志反

從簡略同時同事上下兩岐此未論三也奉職則養
廉半給既非代理之暫據印床當官則父母斯民更
非流寓之偶然浪跡公孫述著兼攝之縣張京兆傳
五日之名數典而乾侯之義可推言情而桐鄉之民
足效若謂舊志署縣周宗臣入名宦而不入職官然
前人裁制少疎者又未嘗不許後人之補而正之也
都無失實之虞不在闕疑之列願

閣下轉致分纂諸君一再酌之可也

惜字軒序

溫處道海康
陳昌齊

嘉慶己未之秋余自雷赴省過石城界宗人居邦携
其九日聯吟詩冊見示屬記其事將勒貞珉以垂永
久時行色匆匆無以應也明年冬十月自省歸復道
故境因追念舊約不敢以不文辭蓋邦等深憫夫世
之人或遇殘篇斷簡輒委棄之不知惜其知惜之者
亦惟是隨時隨地拾而焚之而付火之後遺灰冷燼
直聽其與塵埃野馬自墮自飛天之苞地之符其能
不受污駟者正復幾何用是創立字冢於郭外之馬
鞍山以每歲重九日燼其一年之灰又恐其推行之

不廣且久而或弛也則鑿金鑿石作字庫於每歲瘞厲
之日會諸同志設筵致祭焉甚盛意也夫盈天地間
道而已矣載道者文成文者字是故欲明道莫先學
文欲學文莫先識字惜字者識字之本也今邦等自
惜字而能使人惜字而又欲使千萬年以往人人皆
惜字精誠允格肸蠭潛通溯自書契以來諸神聖賢
人在天之靈必時往來於纍纍之間而式憑焉可知
也因爲迎神送神之歌俾祭時歌之歌曰靈之來瑞
紛紛八風從律不相奸自然五氣天成文龜龍蟲鳥

雲之間髣髴倉相當吾前周室史籀儼隨肩厥左李
趙胡母甄右許叔仲孫叔然徐氏楚金偕鼎臣程邈
次仲相後先作者稱聖述者賢電爲鞭策雷爲輪佳
哉光氣連奎躔又歌曰靈聿歸萬象收山神終古守
茲邱日月久照江河流五鄉三靄壟上頭霏甘寶露
零松楸草如書帶青還柔楷模樹古陰更稠禁步不
使狐兔遊夜來母令鬼啾啾風清氣爽我思悠庶有
時兮靈少留年年九日祀孔修插茱戴菊數酒籌
靈之胙萬千秋

題惜字軒

刑部主事前
史官欽州 馮敏昌

大矣哉文籍之盛也範圍天地幽質神明用之邦國
則百官以乂用之鄉人則萬姓以察非松喬而對振
古堦戶牖而覲幽遐故先王以之建極聖人以之設
教師範百代彌綸四海是以刊之金石與天壤而不
敝書之竹素與日月而俱懸

創立石城碑記

蘇洲

洪惟聖朝混一區宇薄海內外罔不臣服故華夷一
統凡有血氣者莫不尊親焉雖遐陬僻壤窮邊極遠

亦必防微杜漸設立衛所以守鎮之所以然者不過撫育黎元期四方無虞俾之各安其業咸遂其生也高涼郡屬邑石城曩歲被猺獠出沒爲生民患有司屢以故上封事請立城池以守禦議調雷州衛後千戶所全伍官軍以守其地惟時歲當庚申肇基之日都司則委雷揮使鳳陽王公總督其事大藩則委高涼郡通守馬公同任其勞二公勤謹朝夕不遑寧處議遠邇略基址稱畚築量功命日以稽勤怠矧土木之功浩繁且難譬猶爲山萬丈無一簣之虧掘井九

仞有及泉之效且周圍五百三十五丈越三載合設
衙門煥然一新落成之日厥功已就僉曰城池之設
非細務也宜立碑以貽後人庶知造城有自來矣徵
予言以記予按高涼郡誌石城縣屬化州去治一百
一十里以邑名言之其地多石四面岡阜旋繞如城
故名其邑故址先在江頭舖梁廢縣入羅州宋紹興
間復置縣元皇慶間遷縣於高峰舖東黃村天歷間
又遷於新和驛東卽今縣治也洪武戊申土人羅福
率衆歸附一屬化州本縣仍舊焉古無城洪武二年

縣丞倪望督工修築土垣周圍二百五十二丈廢壞
已久舊址尙存其所轄四鄉路當衝要北通於廣西
南達於交趾瓊廉重譯無虛日逢迎有餘勞雖周圍
四百餘里民稀而地廣也論其形勢則雙澗曲折繞
於外重岡盤旋擁其後層巒疊障揖於左崎嶇峽山
鎖其右此山川之凝結而縣之所以立也茲其城
郭之完固三門之壯麗人物之往來軍旅之保障金
鼓之聲聞於石屋旌旗之影耀於望恩形勢之壯觀
且甲於他邦又非往日之比者然而百役之勞雖一

時之厭煩其生民之樂業家室之相慶實保安於悠久也歲當壬戌六月吉日謹勒於石以紀其首末云

遷學紀

縣丞

戴嘉謨

直隸進士

石城高涼隸邑壤接雷陽去中州爲特遠學雖代建化未深洽士鮮有成我明御極敷教造士漸濡南海是故國初人才彬彬輩出幾與中州等天順成化間徭人弗靖蠻毀兵燹重建之未幾徙西關隘陋不稱尋亦就頽人才日以剝落志士憂之莫有任其事者嘉靖壬寅春經歷邱君正司神電來署邑事巡按澤

山姚公適按臨分守叅政獅峰周公知府麗山李公
通判宋君邦俊朱君藩推官陳君應辰咸以職事至
暨學生謝希朱等因以改建請乃下分守議旣而申
呈提督少司馬半州蔡公分巡僉事少峰周公先後
報可事成於同而敗於異自古則然石士其有遭哉
先是獅峰躬自登城覽山川之勝於邑治之西定厥
址焉君正遂慨然以爲己責爰於九月之吉鳩工首
事卽其地平治之凡四越月殿廡堂齋煥然一新門
墻庖湍以次落成過者於是乎改觀矣予以言獲罪

轉徙高涼誤蒙當道委署雷事君正乃輕數百里偕
教諭尤舜俞訓導蘇哲庠生崔汝能毛鸞輩羣謁堂
下以記屬嘉其用意勤也遂弗果辭適有挈雷陽志
示余者偶一披之獲覩南軒所爲學記不覺欣然以
喜則記斯學又安用他求哉夫學以明人倫而孝弟
人倫之大者孟云謹庠序之教申之以孝悌之義此
固南軒爲記所自出而要之孝弟根于恒性之仁仁
則萬善之長合聖愚而一之者也士患無以是說啟
之者苟朝夕講明之將由庸行之切近者體驗擴充

恒性存存而道義出家國天下則舉而措之耳雖窮
達利鈍有非在我之所能必然其具在我達足以紹
張余二公之芳烈窮亦不失爲潘孝子鄉人矣何人
才國初之難復哉矧猺亦人類均有孝弟之心聞風
未有不興起焉者又何弗靖之足慮哉昔僖公之修
泮宮詩人頌之有曰旣作泮宮淮夷攸服美其足以
服強梗非徒懷良善而已試以是役卜之也

學田記

鄒伯貞

嘉靖乙巳春鄒子補官石邑首詢學校之舉廢人才